



Iesus-Christ portant sa Croix est mené en Golgotha, pour estre crucifié entre deux larrons.

LES V S ayant donc esté cruellement traité par les supposts & satelites des Sacrificateurs, Scribes & anciens des Iuifs, fut suiuant la sentence de Pilate, liuré aux gens-darmes, qui l'ayans dépouillé du manteau de pourpre, luy vestirent ses propres vestemens, & l'emmenerent pour estre crucifié ; & portant sa Croix il s'en alla au lieu qui est nommé du Test, en Hebrieu *Golgotha* ; & comme ils sortoient, ils trouuerent vn homme payfan Cyrenéen, nommé Simon, retournant des champs, & le contraignirent de porter la Croix de Iesus apres luy. Et grande multitude de peuple le suiuiot, & les femmes pleuroient & lamentoient ; & Iesus se retournant vers elles dit, Filles de Ierusalem ne pleurez point sur moy : mais pleurez sur vous-mesmes, & sur vos enfans : car voicy les iours viendront ausquels on dira, Bien-heureuses les steriles, les ventres qui n'ont point conceu, & les mammelles qui n'ont point allaité : Lors diront aux montagnes, Tombez sur nous ; & aux collines, Couurez-nous : car si on fait ces choses au bois verd, que fera-il fait au sec ? Or deux autres qui estoient mal-faïcteurs, furent mezez aussi avec luy pour estre mis à mort.